



Arubaanse Courant

Anja 26.

DIARAZON 4 NOVEMBER 1964

No. 5176.

LYNDON B. JOHNSON, PRESIDENTE DI MERCA

NEW YORK, 4 nov. - Millones di Mericano nan a bai urna electoral pa eligi un presidente pa e proximo cuater añanan. Tur caminda tempu tabata bon, loke semper ta causa cu e votadornan ta participa bon na e eleccion.

Nan a haci calculonan alrededor di 71 millon.. For di e ultimo eleccionnan presidencial e cuerpo electoral a aumenta, entre otro door di crecemento di e poblacion, cu cinco millon.

E habitantenan di e distrito federal Columbia, den cual e capital Washington ta situa, tin mag di vota atrobe pa di prome biaha despues di 174 aña. Columbia no ta un estado independiente, pero a worde establece na aña 1790 pa duna gobierno un asiento permanente.

President Johnson tabata un di esnan di mas prome cu a bai vota ayera. El a haci esey den su ciudad natal, Johnson City, Texas. Johnson a expresa su mes optimista tocante resultado di e eleccion manera e taba-

ta spera esey y a priminti un gobierno nacional nobo pa cual e lo busca tambe hendenan for di den fila di e republicanonan. Senador Goldwater, e candidato republicano, a vota na Phoenix Arizona.

Johnson a termina su campanya electoral dialuna nochi na Texas cu un discurso den cual el a bisa: "Mi ta priminti di dedica mi mes completamente na mantencion di paz y proteccion di libertad. Mi kier haci e amensasa di un guerra nuclear mas chiqui y mantene e autoridad presidencial riba armanan nuclear.

Su rival, a bisa riba mesun aña ci na San Francisco, unda el a reuni e multitud di mas grandi for di henter su campanya: "Mi ta priminti boso for di e prome dia cu mi pone pia den Casa Blanca, di hiba un gobernacion franco, cu mi lo bisa boso berdad".

Ex-president Truman a bai urna ayera wantando riba ungarroti. Recientemente el a haci un mal calda den su cuarto di baño.

Dos comunidad chiqui na Merca pronto tabata cla cu votacion. Ta trata di Dixville (New Hampshire) y Wash Woods (Virginia) na Dixville tur e votadornan, ocho en total a vota pa e candidato republicano, Goldwater. - Mientras cu na Wash Woods e diestres votadornan tabatin mas confianza den Johnson.

Den e paisnan den sur, unda luchadornan pa igualdad racial hopi luna largu a lucha pa e hendenan di color laga inscribi nan mes den e registro electoral, tabatin un asistencia enorme na e eleccionnan. Un indicacion pa e preferencia di e hendenan di color tabata un machin di vota cu a bira defecto. Ora cu e monteur, obligatoriamente a abri e urna a resulta cu di e 34 votonan 33 tabata pa Johnson. Un votador a duna su voto na Goldwater.

Ambos partido a trata pa haya mas tanto votador posibel na e urnanan. Voluntarionan tabata transporta esnan malu y invalido y si tabata necesario un mama cu tin bai vota lo por a haya un "baby-sitter".

E ciudad Mont Washington den

New York, U.P.I.- Basando riba e computacionan electronicas, Colombia-- Broadcasting System a duna President - Johnson elegi pa 9.30 p.m. ora di New York.

e estado Massachussets, pa di prome biaha den su historia a vota pa democraatan. Binti voto a bai pa Johnson y diestres pa su adversario.

Pero pa eleccion di un delegado pa senado e poblacion di Mount Washington a tene na su tradicion. E candidato republicano, Howard Whitmore, a haya mayor cantidad di voto. Edward Kennedy a haya 14.

Senador Goldwater a para casi un ora y mei den carreda pa e por a vota. E por a pasa dilanti, pero el a ninga.

Na Kansas resultadonan parcial a duna Johnson un ventaha chiqui di 20,688 contra 20,488 pa Goldwater. Kansas, unda nan tin mag di cuminsa conta votonan mientras cu ainda por vota, a vota e siglo aki solamente cuater biaha pa un democraat como president. Ultimo biaha cuesey tabata e caso tabata na eleccion di Roosevel.

President Johnson a logra victoria den e estado Kentucky cu ta conta cu nuebe miembro di e colegio electoral.

Pa mas o menos mitar di shete ora Antillana president Johnson tabatin 77,572 voto contra Goldwater 74,139.

E prome resultadonan ta muestra cu hopi a reparti nan votonan entre e candidato democratico pa presidencia y esnan cu ta bini en remarca pa asiento nan den senado y camara di diputados y otro puestonan.

Senador Goldwater a bisa, despues cu el a vota, cu e campanya electoral lo mester ta mas corticu. E campanya ta un asunto costoso y di hopi cansancio, tambe pa e pueblo, asina e candidato republicano a bisa.

E campanya electoral di Merca a cuminsa oficialmente dia shete di september, pero e campanya pa eleccion di un candidato republicano, a cuminsa for di dia 13 di juli.

E radio emisora Mericano NBC a participa shet'or ora Antillana cu Johnson segun calculonan na e momento ey tabatin en total 562,489 voto contra Goldwater 387,379 voto.

Ademas, te ainda segun e aparato electronico, Johnson a gana den e estado Kentucky cu 62 por ciento di e votonan. Ademas e lo tin un ventaha den e estado Tennessee.

Na e ultimo dos eleccionnan presidencial Kentucky a vota republicano.



Awe mainta nuebor y mei, Srta. Mary Croes a sali pa Inglatera Londen, via Curacao y New York, pa bai participa den e concurso di belleza pa e titulo di Miss World. Manera conoci, Srta Croes a gana e titulo di Miss Aruba, den carnaval di e anja aki. E foto ariba ta muestra nos "Miss Aruba" den su traje nacional di algun tempo pasa.

COUVE DE MURVILLE TOCANTE DI E POLITICA FRANCES

PARIS, 4 Nov. - E periodo cu ta bini nos por considera solamente como un periodo di espera, na cual fin e comunidad Europeo lo ta completamente ratifica ora cu nos speranza bira realidad, segun e minister Frances di asun-

tunan exterior Couve De Murville, a bisa den un declaracion pe asamblea nacional Frances. Entre tantu Francia meste actua pa motibu dje peliger di un kiebra cu nos meste tene den bista door dje actitud di algun miembro y cu lo cai pisa te ora cu nos alcanza un politica agricola comun. Principalmente enbista di plannan pa apresura e mercado comun Francia lo exclui cada medida cu no ta proviciona "Stricto Sensi", den e tratado, entre otro e stipulacion di un fecha final irremediable pe periodo di transmision. Enbista dje politica Europeo e minister a bisa di ta desea un conversacion entre Europa y Merca, lo cual ta nifica segun e, cu tantu Europa como Washington meste ehecuta un cierto politica, E cooperacion entre Francia y Alemania ta mas cu nunca necesario. Ora cu esaki bin resulta riba dificultadnan, e tratado no meste disperse, pero e dificultadnan meste worde regla, segun e minister.

FATUM
Pa tur bo aseguranon
Tel. 1845.

MINISTER LUNS NA ARUBA

ORANJESTAD, 4 Nov. - Di transito ta worde spera awe merdia na Aruba ministro J.M.A.H. Luns, di Hulanda, E minister Hulandes di asuntunan exterior lo pasa Aruba riba, su biaha for di Trinidad pa Miami.



SABOR CU NUNCA TA VARIA
IT NEVER VARIES.



Ayera mainta a tuma lugar un choke na e cruzada di Hendrikstraat y John G. Eman Straat. Aki tabata involvi un motorcyclista y un auto di famia. Tur dos vehiculo tabata worde maneha pa un dama respectivamente. A fortunadamente, apesar cu e auto a subi e motorcyclesta no tabatin ningun danjo personal. E motorcyclesta a worde de dividi na varios pida door di e auto.

EMPLEADONAN DI LAGO LO HANJA 4 PORCIENTO BASE RATE, 55 LUMP-SUM

SAN NICOLAS, 3 nov. - Dialuna merdia e directiva di Independent Oil Workers Union of Aruba, I.O.W.U.A., a yega na e desicion cu e empleadonan di Lago entrante di tres di december venidero, segun stipula pa e convenio colectiva firma anteriormente cu Lago, lo hanja nan aumento di cien y tres porciento ariba salario, reparti den un solo biaha poco promer cu dianan di pasco.

Manera ta conoci, diabierna siman pasa e directiva di I.O.W.U.A. a papia cu Lago tocante e asunto aki. E compania a laga sabi cu nan lo duna e cien y tres porciento, manera cu I.O.W.U.A. ta desea. Pues asina cu dialuna mainta e directiva di e union a sinta na mesa pa mira con nan lo pidi e cien y tres porciento pa e empleadonan cu nan ta representa. Cierito miembronan tabata prefera pa tene un referendum pa mira kiko majoria di e miembronan kier, sea un aumento general di e cien y tres porciento of esaki paga den un solo biaha manera cu el a tuma lugar anteriormente. Otronan di e directiva di I.O.W.U.A. tabata kier pa mantene e sistema di pago den un solo biaha (lump sum), otronan atrobe tabata prefera un base rate (aumento general), Alfin alcabo banda di diezdos or e directiva di I.O.W.U.A. a yega asina leuw cu nan a dicidi cu di e cien y tres por ciento,

SPAARDONAN NA LAGO TA RICIBI: FL. 25, Y 52 PORCIENTO

SAN NICOLAS, 4 nov. - E directiva di Lago a anuncia, cu esnan cu durante di e ultimo aña a spaar den e Thrift Plan di Lago, e aña aki atrobe lo ricibi algo extra di e compania. Esnan cu a spaar entre un di oktober 1963 y trinta di september di e aña aki pues lo ricibi cincuenta y dos cent extra for di Lago ariba cada florin cu nan tin den e fondo di spaar, y alavez un binticinco florin extra. E spaardonan por lamta dos tercera parti di loke nan tin den e fondo na ocasion di Pasco, ariba un fecha cual tin di worde stipula ainda.

cincuenta y cinco porciento lo worde pidi como lump-sum poco promer cu pasco, y e resto esta cuarenta y ocho porciento lo bira un aumento general. Pues ya cada empleado lo hanja un aumento di cuatro porciento pa luna. Esaki a ser manda por escrita pa directiva di Lago y por worde

CARIBBEAN CHEMICAL COMPANY DEN SU ULTIMO FASE

BARCADERA, 3 nov. - Denundi e simannan cu ta bini ta worde spera na Aruba un tecnico experto di compania Borsich di Hamburg Alemania, kende lo bin start e motornan di Caribbean Chemical Company na Barcadera. E compania menciona pues a entrega e aparatonan moderno necesario pa produci, acido carbonico, pa industria di fabricacion di refresco etc., na e Caribbean Chemical Company di señor Joe Oduer. E compania aki manera conoci lo bai tuma e accido carbonico for di Antilles Chemical Industries, cual nan lo purifica y embotella pa benta na e consumidornan esta fabricacionan di limonada, etc. Fuera di esey C.C.C. lo transporta accido

LECTURA DI ROSICRUCIANS

SAN NICOLAS, 4 nov. - Diadomingo atardi venidero lo tuma lugar den Club Surnam na San Nicolas un lectura bao di auspicio di Rosicrucians. E objeto ariba cual e lectura lo trata ta "atraemento di influencia di exto". Alavez slides lo worde muestra for di e serie, "hende ta investiga cosmos". E entrada ta completamente gratis.

considera como acepta automaticamente, door di un stipulacion den e convenio cu Lago y IOWUA a firma anteriormente encuanto e cien y tres porciento di aumento aki.

Segun e convenio e desicion aki lo bira na vigor entrante tres di december venidero. Insideranan ta mira e desicion aki como uno sumamente bon. En conexion cu otro puntonan cu tin di worde arregla ainda cu Lago.

Trabao pa construccion di Caribbean Mercantile Bank a cuminsa

ORANJESTAD, 3 nov. - Ultimamente a cuminsa bao di gao di señor Juan Fingal e bashamento abao di e edificio den cual antes tabata situa entre otro floresteria Aruba. Esta e blok pabao

carbonico den forma duro pa Corsow, caminda lo e worde haci liquido pa uso ayanan. Na e momento e edificio di Caribbean Chemical Company ta casi cla, mientras cu ya e aparatonan necesario ta worde instala/ Segun spera produccion e accido carbonico purifica lo cuminsa promer cu fin di aña.

F.T.A. Y O.C.T.A. a duna otro man

ORANJESTAD, 3 nov. - For di circulo confidencial ta bin e informacion cu ultimamente federacion di trahadornan Arubano y organizacion Cristiano di Trahadornan Arubano, a yega na un desicion amistoso cu nan lo no combati otro mas, pero lo trata di cu e mes un propositonan cada uno na su mes manera, sin atakenan ariba otro, bringa pa e bienestar di e trahadornan. Manera conoci, F.T.A. a worde funda, despues di un desunion entre e directiva di O.C.T.A. di cual señor Frans Lodewijk Maduro, actual presidente di F.T.A., tabata miembro.

E desicion aki a worde tuma pa evita cu e obreronan na Aruba lo worde reparti den decenas di gruponan sindical.

Seguros Caracas



ESTE ESCUDO PROTEGE SU HOGAR

PA LUNA DI NOVEMBER NOS TA SUPLICA TUR HENDE CU TINI UN BONO POPULAR CU NUMBER

867

DI PASA NA NOS OFICINA SITUA NA BREEDESTRAAT 16 PA ATENDE ASUNTO DI SUMO IMPORTANCIA



PA TRABAO DIFICIL

Nos a caba di ricibi un sorteo fantastico di "VANITY FAIR" Lingerie



Damas, no lubida di bin mira coleccion di blousa padamas y camisa pa caballeros di

Lady van Heusden y Arrow

LA LINDA

TA BUSCA Un servienta

Preferible den becindario di Piedra Plat.

Pa más informacion: Acudi na Fergusonstraat 12.

TA BENDE

Un set di sala, un set di comedor, un set di veranda, tres tapijt, dos cama pa mucha, un nevera, un stoof, un cashi pa cushina, un was-machine, un mesa di sala, un cashi pa buki, y diferente otro articulo mas.

Pa informacion: Tanki Leendert 126 A.

GRUPO CONSEHERO DEN RAFINERIA A DELIBERA

SAN NICOLAS, 4 nov. - E grupo consehero di refinamento di Creole y Lago, dialuna ultimo a delibera na Aruba tocante di plannan di cooperacion entre e dos industrianan, ariba termino largo. E grupo tabata consisti di H.A. Jarvis, C.J. Griffin y R.L. Menk di Creole y W.A. Murray y F.W. Switzer di Lago. Señor C.J. Schwarz tabata secretario.

Coro Arubano pa mucha homber "MOSAICO"

Ta busca miembronan entre ocho y diezcuatro anja

Interesadonan cu ta gusta canta: Inscribi: Diasabra entre 1:30 y 2:30 p.m. Na Centro Cultural Oranjestad of Bernhardstj. 247 San Nicolas. Telefonicamente na 5603.

CRITICA DI ADENAUER RIBA GOBIERNO DI ERHARD

BONN, 4 nov. - En coneccion cu e critica, cu ex-canciller Adenauer a duna den un entrevista cu e corant "Bild" riba e politica di interior y exterior di gobierno di Erhard, kende entre otro el a acusa di ta causa di friamentu di e relacionnan entre e republica Aleman y Francia, e direccion di e Union Cristian Democratico, bou di presidencia di Adenauer, a reuni riba peticion di Erhard.

Den e comunicado cu nan a duna despues di e reunion ta resulta, cu e critica di dr. Adenauer no ta worde comparti pa e otro miembronan di e partido ni tampoco pa e partido hermano di Bavaria. Prensa Aleman a reacciona den termino infavorable pa Adenauer riba su expresionnan.

Den e comunidad, cu a worde aproba pa dr. Adenauer tambe, ta worde declara claramente, cu e partido cristian democratico ta sigui duna su apoyo na e gobierno di Alemania occidental, kende su politica di exterior incluso e alianza cu Francia, ta igual.

Un portavoz di e fraccion di parlamento di e partido a declara ademias pa aclaracion, cu e decision di den ningun punto di bista ta nifica un mocion di desconfianza contra Adenauer.

El a expresa e speranza, cu dr. Adenauer na su venidero encuentro cu president De Gaulle dia nueve di e luna aki na Paris, lo por splica e president Frances e basenan di politica Aleman.

Gobierno Ingles ta studiando e proyecto Concorde

LONDEN, 4 Nov. - E funcionarionan di gobierno Ingles a desmenti e noticianan cu Inglaterra parce a retira for di e proyecto "Concorde" cu Francia. A worde participa cu te ainda no tin ningun decision y cu gobierno Ingles te ainda ta studiando e prome reaccionnan Frances riba e proposicion pa re considera e proyecto. E proposicionnan aki segun funcionarionan di gobierno ta relaciona cu un investigacion di tur cos cu ta toca gastunan di gobierno, cual investigacion a worde ordena pa gobierno Ingles. Den e declaracion di gobierno Ingles ta worde menciona solamente e proyecto - Concorde na su nomber pero e gastunan den tur sector ta worde investiga, incluso otro proyectonan di avionacion. Asina e representantenan di gobierno Ingles a bisa.

Atrobe huelga na Roma

ROMA, 4 Nov. - E tiendanan restaurant y cafenan na Roma dia 18 di november proximo lo worde serra como protesta contra huur y belastingnan altu. Anochí e luznan di showcase y neon lo no sende.

Trigo Canades pa Hungria

WINNIPEG, 4 Nov. - Hungaria a cumpra 3.700.000 bushel di trigo Canades na un balor di 7,4 million dollar. Asina e oficina di trigo a participa E condicionnan di credito ta igual na esunnan cu a worde ofrece na otro paisnan comunista.

anuncia pa circulanon bon informacion. E aviso aki a ser haci den un reunion dje direccion dje fraccion parlamentario cristian democratico, den cua e articulo di corant di diadomingo pasa cu critica di Adenauer.

Riba principalmente e actitud di e gobierno di Alemania occidental enfrente di Francia a bin dilanti.

Ne reunion aki di mas o menos 40 lider di partido, Adenauer a bin para den un posicion kasi isola.

Segun un bosero dje partido, e reunion a aproba un resolucion den cual ta declara, cu e politica di profesor Erhard no aderevia di e linea stipula, tampoco loke referi e lucha pa mas cooperacion cu Francia. Segun e bosero Adenauer a declara, cu e lo keda apoya e politica di e gobierno di Alemania occidental.

PERON A CONFIRMA DECISION PA REGRESA NA ARGENTINA

MADRID, 4 Nov. - Un bosero di becindario di e ex president di Argentina y dictador Juan Peron cu ta biba na Madrid a declara, cu e esaki prome cu fin dje anja aki lo no regresa Argentina, door cu e condicionnan pa su regreso no a worde realisa ainda.

Segun e bosero nan a llega pe conclusion aki durante deliberacionnan cu Peron a tene na Madrid cu lidernan Peronista, cu a llega e capital Spanya diadomingo pasa. E secretario particular di Peron a declara en relacion cu locual a worde menciona: E decision di Peron, pa regresa Argentina ta irrevocablemente, e fecha pa su retiro lo worde stipula durante deliberacionnan cu ta ser tene actualmente na Madrid.

General Juan Peron a confirma su decision pa prome cu fin di e anja regresa Argentina. Asina e lider Peronista, Augusto Vandor, a declara na e capital Espanyola. Vandor

a yega Madrid huntu ta forma e comite nacional pa regreso di Peron. Nan tabata tin un prome entrevista cu e ex president Argentino. Vandor a bisa: E asunto mas principal pues ta regla. E general lo regresa. Pero naturalmente e circunstancianan bou di cual e ta regresa ta ainda den centro di deliberacion. Nosta spera cu nos lo tin deliberacionnan extenso cu ne, cual lo dura algun dia. Cinco lider Peronista, entre cual un dama, ta hiba nan deliberacionnan cu e ex president den su finca den valle di e riu Manzanares den e partinan pafor di Madrid.



Estudiantenan Boliviano cu man tras di cabes despues cu nan a ser aresta door di polis na disturbionnan en relacion cu e huelga di mineronan na Oruro. Na esaki por lo menos tres persona a ser mata y mas cu binti a ser herida.

Ultimo discurso di Johnson

AUSTIN TEXAS, 4 Nov. - President Johnson den un discurso di eleccion pe stacionnan Mericano grandi di radio y television a apela riba e votadornan Mericano, pa pidi e minoria chiqui cu a podera dje partido republicano pa mustranan e caminda berdadero. Goldwater y esnan di dje tur kler destrui e gran principionan, cu den e ultimo 30 anjanan a sirbi como director pa stipulacionnan dje politica interno y di exterior di Merca, sin di tene cuenta kende tabata goberna democraat o republicanonan. Si nos acepta e principionan acentua pa ambos partido Mericano grandi, cu a elogia nan balor, nos ta trese tur nos speranza riba paz y e asunto di libertad den peliger, segun e president. El a continua: "Pesey no haci ilusionnan. No tin ningun segurificacion contra un fout di un actuacion brutu di e president di Merca. E so ta tuma e decisionnan mas importante, decision cu kizas lo conduci pa paz, y o cu kizas lo trese nos den peliger cu ta bira mas grandi. Den man dje president Mericano, tin un poder, door cu e cultura, cu a worde destrui den curso di milles di anjanan por worde somete algun ora na un destruccion fatal. Esaki te asuntunan cu cual boso meste tene cuenta na boso eleccion, segun declaracion di Johnson.

Dirigiendo su mes pe republicanonan modera e president a declara riba pia, cu mi ta participa den nan fe den e interes di mantencion di e sistema sano di dos partido. Pero e sistema aki por keda riba pia door di rechaza cu mayoria aplastante e minoria chiqui, cual a podera di boso partido y cu ta desdido di mantene su cara riba dje. Solamente un derota grandi por corre cu e lidernan dje minoria aki foí nan actual puestonan di comando segun Johnson.



Na un lugar den Borneo tropanan Britanico ta busca posible luchador guerilla Indones. Ta ser haci uso di un boto cu outboard motor. Noordwest Borneo ta un parti di e federacion Malasiano sostiene door di Inglaterra. Un portavoz militar a declara cu mas cu mitar di e sesenta guerilleronan cu a ateriza a ser tuma presu, y cu e otronan ta acorrada den e Swampnan.

GUARNICION DI COCHABAMBA DEN PODER REVOLUCIONARIO

Lantamentu militar na Bolivia ta extende

LA PAZ, 4 Nov. - E guarnision di Cochabamba cu a lanta, ta completamente den man di e revolucionarionan segun radio Cochabamba a anuncia. E lantamentu a pasa pe guarnision di Santa Cruz, Potosi y Sucre.

Radio Cochabamba a anuncia despues cu e vice president, general Rene Barrientos a intenta di tuma contacto cu president Paz Estensoro pa propone esaki pa retira y laga e poder den man di un conseho militar pa evita un dramamentu di sanger den henter e pais.

Radio Cochabamba a proclama dia tres di november dia di liberacion y a haci un jamentu riba e poblacion

Dialuna Film Liga den Teatro Aurora

SANTA CRUZ, 4 nov. - Dialuna anochi venidero Film Liga Aruba lo presenta un programna di pelicula den dialyscope na Teatro Aurora na Santa Cruz. E promer pelicula lo ta "De Wreker", mientras cu e pelicula principal lo ta "Verleden jaar in Marienbad". E ultimo aki a worde cualifica como un pelicula psicologico - surrealistic. Regisor di e pelicula ta Alain Resnais. E pelicula a worde traha na aña 1961, y e mes un aña el a gana e "Leon di oro di San Marco", e condecoracion di mas halto den e festival di pelicula na Venetia. E motibo cu e pelicula aki lo worde presenta den e teatro na Santa Cruz ta pa motibo cu te ainda Centro Cultural no tin e lensnan special, cu cual e "peliculanan scope" por worde presenta. Gracias na e cooperacion di directiva di Teatro De Veer e pelicula aki por worde presenta.

pa uni cu e rebelion como cu e rebelion no tin "interesnan politico". E rebelion actual ta garantisa cu lo bolbe bek pacificamente pa harmonia nacional y abolicion di e "mercenarionan" cu ta apoya e gobierno Estensoro asina e radio di, A ser participa na La Paz cu e militarnan

B.C. Aruba ta delibera cu gobierno central

ORANJESTAD, 4 Nov. - Diamars mainta ultimo B.C. di Aruba a tene deliberacionnan cu gobierno central di Antillas encunto di e consecucionnan di e programa di "Lay Off", di Lago, pa Antillas en general y pa Aruba en particular.

Alavez B.C. di Aruba a bolbe haci un suplica pa mas rapidez cu e projectonan di prome fase pa Aruba.

cu a ser aresta na e rebelion di e religimento "Ingavi" no kier a bai contra di gobierno, pero no tabata di acuerdo cu a bini un movimentu cu kier a stroba menguacion di forzan arma den politica.


DIRECTIVA NOBO DI YAYCEES TA WORDE INSTALA

ORANJESTAD, 3 nov. - Diahuebes venidero lo keda instala, e directiva nobo di Jaycees. E instalacion aki lo tuma lugar durante un reunion di e Junior Chamber of Commerce, den Trocadero. Alavez planannobopae aña entran te lo worde treci dilanti di e directiva nobo.

CORO DI MUCHA HOMBER BAO DI AUSPICIO C.C.A.

ORANJESTAD, 4 nov. - Un idea di señor A. Schermer, na e momento maestro di musica di Centro Cultural Aruba, a worde sprobado door di C.C.A., door di cual awor ta asina leuw cu e muchahomber interesa pa canta den un coro ta worde sollicita. Señor Schermer kende ta dirigente di e coro mixto Vivons en Chantant, tin gran planan cu e coro di muchahomber entre ocho y diezcuatro aña.

E ta spera di por hanja mas o menos un trinta muchahomber, cu kendenan si tur cos bai bon e ta spera di presenta un concierto di Pasco e aña aki ainda. Segun e splicacion cu nos a hanja e coro cu lo carga e nomber di "Coro Mosaico" (Koor Mozalek) lo basa su repertorio ariba canticnan clasica, pero naturalmente tambe cu canticnan popular.



NOTICIA DAMDAM di La Gran Bodega



"No ta secreto... BACANAN TA LOCO CU PURINA BULKY-LAS"

Masha doeshi, y rico na mineral, Purina Bulky-Las tin hopi "cow appeal" nan stimé.

E mescla famoso aki ta stropl, maishi, harinja alfafa, y roobiet mulá, e ta un producto popular. I hopi hende cu ta cria baca ta bisa no tin nada compara coe Bulky-Las. Bulky-Las ta un coeminda efectivo pa bacanan secu. Hopi hende cu ta cria baca ta prefera doena nan baca Purina Bulky-Las pa produci más lechi.

E proximo biaha cu bo ta den toko pidi Bulky-Las.

SOFT AS A KISS



INVER HOUSE

A Luxury Scotch at a Reasonable Price.

ASAMBLEA GENERAL DI N.U. DIA PROME DI DECEMBER

NEW YORK, 4 Nov. - Secretario general Oe Thant ayera a anuncia oficialmente cu e Asamblea General di Nacionnan Uni lo keda inaugura dia prome di december proximo. Un bosero di Nacionnan Uni a bisa cu e 98 paisnan a pidi pa suspende e fecha di inauguracion pa te prome di december. E inauguracion dje asamblea general probablemente lo keda suspende door dje eleccionnan na Inglaterra y Merca y e conferencia di paisnan no uni na Cairo, pa 10 di november. E llegada di gobier-

nonan na Londres y Moscu y e tratado dje contribucion Ruso na operacionnan di paz di Nacionnan Uni tabata rason pa e segundu suspension.

ASILO POLITICO

Cinco toerista Hungaro y seis Tsjecho despues di un vakantie na Austria no a regresa. Nan ta spera cu nan lo pidi asilo politico.



Exquisita Fragancia

Com lo para cu Lago Sport Park?????

(Di nos redactor deportivo)

Di bon fuente nos a worde informa cu management di e compania mas grandi di nos isla, Lago Oil & Transport Company, a tuma e decision di descontinua e mantencion di e parke deportivo mas bishita di nos isla, esta Lago Sport Park. Cu plena confianza nos por bisa cu e stadion deportivo aki ta esun mas bishita di henter Antillas Hulandes.

Ya ta varios luna caba cu ta corriendo rumornan cu Lago no ta dispuesto di continua cu e Lago Sport Park den e forma cu ya pa hopi aña e ta haciendo. Otro aña casualmente lo cumpli porehempel e bunita cifra di 25 aña cu ta ser teni e Olimpiada di Aña di La Reina, loke ta duna un idea cuanto aña caba e stadion aki ta sirbiendo como un parti sumamente util di nos comunidad.

Sumanan hopi grandi ta worde hinka door di Lago anualmente pa presenta programan deportivo y tambe di otro sorto, cu semper a y ta cai na agrado di e publico.

Lago Sport Park por conta den su momentonan excepcional hanzanan bunita manera presentacion di e mundialmente famoso grupo di artistanan di e deporte di basketball Harlem Globetrotters, cu a presenta un show completo. Tambe cu cooperacion di Lago a worde treci y presenta estrellanan di e deporte di tennis. Nombenan manera Pancho Gonzalez, Pancho Segura, Jack Kramer, Frank Sedgeman, Cooper, Althea Gibson, Karol Fageros y varios otro mas ta riba lista di e famosonan cu a yega di actua ariba e cancha di Lago Sport Park.

Ta parce nos imposibel pa describi cu cifranan loke e stadion aki ta nifica pa deporte na Aruba. Practicamente tur deporte cu ta worde popularmente practica, ta ser presenta anualmente. For di e terenonan, canchanan y otro lugarnan di practica

D.O.W. a derota Postkantoor Corsow den domino

(Di Nos Redactor Deportivo)

E encuentronan di domino cu a worde teni durante e ultimo weekend na Aruba entre e equipo visitante di postkantoor di Corsow y dos equipo di departamentu di gobierno di Aruba, a termina den triunfo pa e hungadornan local. Diasabra anochi e combinacion di Eilandsvangerskantoor y Domeinbeheer a obtene triunfo preto di diezcinco pa diez tres ariba e Curazolenjonan. E resultado aki a haci e hungadornan pensa cu diadomingo den e segundo encuentro di e Curazolenjonan contra Arubananan lo tin atrobe un match sumamente interesante. Pero e team di D.O.W. di Aruba a resulta demasiado fuerte pa e Curazolenjonan y D.O.W. a gana cu tur facilidad posibel cu anotacion di diezcinco pa cuatro. Asina ta cu e empleadonan di posterij di Corsow a sufrí dos derrota na nos isla. Sinembargo esaki no a danja e esfera agradable y deportivo den cual e encuentronan a tuma lugar. Despues di e partido di diadomingo, entrega di copan a tuma lugar den Clubhuis di Douane, caminda tambe ambos match a worde hunga.

di e stacion ey, a sali hopi deportista cu a sabi di duna algo di gloria na e nomber deportivo di Aruba. E facilidadnan na disposicion den Lago Sport Park a contribui enormemente na esaki. No unicamente pa e parti mas hoben di nos isla e stadion aki den añanan largo a nifica un lugar di diversion sano, sino tambe pa miles y miles di personanan ya cu no ta practica deporte pero cu si ta realiza e gran importancia di deporte y ta coopera door di acudi pa duna animo y entusiasmo cu nan presencia.

E fanaticonan den curso di añanan a muestra nan gran aprecio pa e gesto bunita di Lago door di bishita e eventonan cu ta worde presenta den gran numero. Nan presencia continuo ta un garantia di e aprecio pa e stadion. Door di su empleadonan ta worde eligi un directiva cu ta percura pa e organizacion di e diferente programan presenta. Cu eficiencia e directivanan semper a presenta un variacion di mas amplio posibel. Amantenan di cada ramo di deporte ta hanja oportunidad pa demostra nan capacidad of admiracion pa nan deporte predefecto.

Tambe cu cooperacion di Lago Sport Park ramonan di deporte nobo a logra worde introduci na e publico Aruba. Nos por mencionar den esakinan e deporte di judo, cu cada biaha ta atrae un publico hopi grandi. Tin cierto ramonan di deporte cu no conoce otro localidad pa nan por worde presenta adecuadamente.

Nos ta referi na ciclismo, cricket y volleyball, basketball y tennis den ocasionnan cu ta worde spera un publico grandi. Pa e ultimo tres ramonan di deporte tin varios otro localidad mas na nos isla, pero tur cu capacidad mucho limita pa por ricibi publico numeroso. Esaki pues ta un sumario cortico di e importancia cu e stadion deportivo aki tin den nos comunidad. Un gran parti di e habitantenan di nos isla, esta di San Nicolas y vecindario, tin placer enorme cu e stadion. Door di esaki mal vicionan ta worde combati den un porcentahe cu no ta di despresia. Esaki ta otro parti di e gran importancia cu Lago Sport Park ta pa Aruba.

Articulonan di voetbol di Pele lo worde warda

RIO DE JANEIRO, 4 nov. - E Brasilenyonan por ta tranquil E carson, E sapatunan, bueno en breve tur loke cu mui lejano tin algu di haci cu e idolo nacional di futbol na Brasil, Pele, lo keda warda. Edson Arantes Do Nascimento - mihor conoci como e maravilla Pele - ta bai cuminsa un museo. Na e murayan lo bini cartanan di su fanaticada. Den sala lo bini su coleccion


Ta imposibel pa por bisa cuanto mas problema lo por tin pa autoridadnan local si no tin un lugar manera Lago Sport Park, caminda e hubentud di e pueblo ey por pasa oranan sano y agradable contribuyendo na nan desarrollo fisico y mental. Pero ta sigur cu e problemanan pa e autoridadnan local lo ta mucho mas si no tabata tin un Lago Sport Park.

E motibo cu nos a worde informa pa e decision di e management di Lago pa busca un otro orga-

nisacion pa keda run e stadion, ta cu Lago ke dedica su mes unicamente na refinamentu di zeta. Es decir, ta un otro parti di nan plannan cu ya tin varios aña na vigor di bahamento di nan gastonan.

Nos por comprende cu competencia ariba mercado mundial ta cada dia mas fuerte pa e companianan di refinamentu di petroleo. Di otro banda e sumanan cu anualmente e companianan grandi ta gana cu refinamentu di zeta ta un suma hopi grandi ainda.

Y si no tabata asina sigur nan lo no ta cuminsa nunca cu algo manera Lago Sport Park. Tambe e localidad aki a contribui na e satisfaccion cu cual su empleadonan ta reporta tur mainta 7'or na trabao ora cu e anochi promer nan por a goza di un of otro evento deportivo y pasa un par di ora agradabel. E satisfaccion aki lo tabata tin un parti den loke e trahadornan ta presta na trabao y tambe na e record di seguridad di cual Lago semper ta asina orgulloso. Cu e sumario aki nos kier a pone enfasis ariba e importacion enorme cu e stadion aki tin pa e comunidad Arubano. Y nos ta desea di expresa e deseo, cual indudablemente ta deseo tambe di henter e comunidad Arubano pa e Lago Sport Park por continua cu su trabao importantisimo den e mes forma cu añanan largo el a haci. Cu Lago su management realiza con grandi e importancia ta di e localidad deportivo ey y cu nan revoca nan decision di deshaci di e stadion.



Contratando George Wilson, un di e hungadornan di e equipo Olimpico di Merca di basketball, e club Cincinnati Royals tin awor cuater ex integrante di e equiponan di basketball di Universidad di Cincinnati. Esaki ta un record nobo den historia di basketball moderno. E tres otronan ta Jack Twyman, Tom Thacker y Oscar Robertson.

Campeonato sudamericano di tennis

PORTO ALEGRE, -- UPI -- Den e ultimo rueda di campeonato sudamericano pa Copa Mitre di Tennis, Brasil a impone den partidonan individual. Thomas Koch di Brasil a vence Patricio Cornejo di Chile cu score di 9-7, 7-5 y 6-1 y Ronald Barnes tambe di Brasil a derrota Luis Cornejo di Chile cu score di 6-1, 6-3 y 6-0. Den final pa Copa Harlen, Luis Diaz Lopes a vence Francisco Musalem cu score di 6-3, 7-5 y Juan Carlos Rivera di Chile a impone su mes riba Carlos Brito di Brazil cu score di 3-6, 6-2 y 7-5. Asina Chile a obtene cuater derrota contra uno. Den e discusion di Copa Bolivia Francisco Guzman di Ecuador a derrota Jaime Fillol di Chile cu score di 6-4 y 6-3. Federico Gildemister di Chile a domina

Geraldo Cano cu score di 4-6, 6-4 y 6-4. Por tanto den puntahe general Chile a vence tres pa dos. Den e torneo pa Copa Artigas Eduardo Gorostiga a vence Ramiro Benavides cu score di 6-2 y 6-3. Tur e dos tenistanan ta boliviano. E cuadro final di e campeonato ta como siguiente: Copa Mitre--Campeon Brazil, tenistanan campeon Ronald Barnes, Thomas Koch y Iarte Adam. Copa Osorio--Campeon Brazil, tenistanan campeon, Maria Esther Bueno, Maureen Schwartz y Susana Petersen.

--Copa Bolivia -- Campeon Ecuador, tenistanan campeon Francisco Guzman y Geraldo Cano.

--Copa Harten, campeon Chile, tenistanan campeon Federico Gildemister, Juan Carlos Riviera y Javier Musalem.

--Copa Leopoldina, Campeon Susana Petersen di Brazil.

--Copa Paraguay, Campeon-Eduardo Gorostiga di Bolivia. --Copa Artigas, campeon Eduardo Gorostiga di Bolivia. E proximo campeonato lo worde celebra na Chile durante e segundo siman di 1965.

CASEY vs MINA

NEW YORK - UPI - E boxdo norteamericano Hank Casey lo yega Lima dia 5 di e luna aki den un aeroplano di Aerovias Peruanas pa enfrenta e peruano Mauro Mina dia 11. Promotor di Lima, Max Aguirre a notifica Casey e cambio di fecha, ya cu e estadio no ta disponibel dia 4.

FUTBOL NA SAO PAULO

SAN PAULO, -- UPI -- Resultado di e partidonan di futbol cu a worde disputa pa campeonato paulista di futbol. Corinthians 2 Sao Paulo 0, Santos 6- Quinze de Novembro 3, Juventus 5, Ferrovaria 1, Palmeiras 1 America O, Noroeste 2- Botafogo 2, Esportiva 1 Guarani 1. Posicionnan; Corinthians y Santos 31, Palmeiras 29, Portuguesa 28, San Benito 24, Botafogo 22, Juventus y Sao Paulo 21, America y Guarani 20, Prudentina 19, Ferrovaria y Noroeste 18, Commercial 17, Guarantina 13, Quince de Novembro 12.

ORTEGA TA DISGUSTA

NEW YORK, -- UPI -- E mexicano Gaspar Ortega, disgusta pa motibu cu e no por enfrenta Willie Luddick na Africa del Sur, debi na e imposibilidad di obtene visa di su pasaporte, lo bringa cu Sandro Mazzinghi, campeon mundial di peso mediano diabierne dia 5 di e luna aki na Roma.

Hubentud Arubano tin mester di yudanza



CUMPRO STAMPIA DI MUCHA Y BO TA YUDA NAN

FOTO ARUBA CAMERA CLUB

A.A.M. CARPAY

Mr Emanuels destacado di reinado na Mejico

PARAMARIBO, 4 nov. - E corant "De Ware Tijd" na Paramaribo a scribi cu mr. Emanuels pa prome di februari awor lo bira destacado di reinado na Mejico. "De Ware Tijd" a tende esaki di un bosero autorisa. Pe rasonnan aki el a tuma retiro como minister plenipotensario di Surnam na Ulanda.

E bosero di "De Ware Tijd" a declara, cu mr. Emanuels foi algun luna caba a participa gobierno di Surnam cu e ta prefera di regresa pe servicio diplomatico di reinado. Den periodo entre su actuacion como minister di finanzas y como prome minister e tabata uni ne embahada Ulandes na Washington.

Te ainda no ta conosi kende lo worde nombra minister plenipotensario como sucesor di mr. Emanuels, segun e bosero.

Di fuente informa ANP a tende, cu no ta stipula ainda, kiko e mr. Emanuels lo haci despues di su retiro como minister

plenipotensario. Tin varios posibilidad pe pa ocupa otro puestonan sea den servicio diplomatico, cerca justicia o cuakier otro caminda. En relacion cu loke "De Ware Tijd" a scribi tocante e preferencia cu mr. Emanuels a duna di conoce ne gobierno di Surnam pa regresa den

servicio diplomatico, por wordu anuncia, cu e no a bisa e gobierno di Surnam absolutamente nada tocante su futuro plannan o puestonan cu e ta ambiciona.

Operacion exitoso

OKLAHOMA, 4 Nov. - Cinco cirujano den un operacion di seis ora a bolbe pega e brasa di e basketbalista Bob Swaffar, cu a kita afor. Nan a participa cu su brasa a keda bon.

SUCU CUBANO BENDI CU RUSIA

NEW YORK, 4 November. - Tur sucu Cubano te cu ne cosesha di 1970 ta bende, segun e prome minister Cubano, Fidel Castro a participa na un reunion di representantenan dje empresa di transporte. Na 1970, segun e noticia ta continua e cosesha lo ta mas o menos 10 million ton. E sucu ta bende na Rusia, otro paisnan comunista, y e cumpradornan tradicional Europeo, manera Spanya y Marokka. Segun Fidel Castro.

tiva afo. E carpinte di 29 aña a hanja 7 luna kitando tambe detencion preventivo afo. E oficial di justicia dos siman pasa a exigui contra cada uno di nan 9 luna den prison.

Margaretha Wilhelmina den Brinker di 29 aña, cu a wordesentenciapa motibunandiacausa e bringamentunan y causamentu di lesion cu hilchi zapatoe a hanja shete luna kitando detencion preventivo. Den su caso e oficial a exigui dos siman pasa cinco luna.

BRINGADORNAN CURAZOLENJO SENTENCIA NA HULANDA

ROTTERDAM, 4 nov. - E corte di justicia na Rotterdam a condena e tres bringadornan di Katendrecht di Corsow cu ne anochi di 23 di juli di e aña aki, a ehecuta, manera e oficial di justicia a bisa durante e proceso, un berdadero terror na Katendrecht.

Ne anochi ey tres bishitante di cafe a bira victima di nan moketanan y schopnan. Un di nan hasta a hanja hersenschudding leve. E marineru di 22 aña a wordu condena pa un aña den prison kitando e detencion preven-

PUNTONAN PRINCIPAL DEN E DISCURSO DI TRONO INGLES

LONDRES, 4 Nov. - Den e troonrede, cu La Reina Elisabeth a lesa a keda anuncia un pronto nacionalisacion di industria di staal. Tambe pronto nan lo instala un comision pa nacionalisacion di terrenonan di construcion.

Lo tin un votacion parlamentario liber riba abolimentu di pena di morto.

Cuido medico a trobe ta bira completamente gratuita. Lo tin a trobe control riba huurnan. Lo tin renobacion dje seguro social. Indemnizacion lo worde aumenta. Inglatera lo keda fiel na NAVO y lo haci proposicionnan referiendo e uso comun di armanan nuclear. Inglatera ta keda junga su papel den organisacionnan Europeo dicua e ta forma parti y ademas lo lucha pa un cooperacion Europeo mas intimo. E gobierno lo haci tur loke e por pa defensa di libra esterlina. E lo

pidi sindicatonan y organisacionnan di contratistanan pa cooperana abolimentu di practicanan cu ta malo pa desarolla economico.

Empresanan ta hanja como obligacion di duna anuncio tocante ayudo financiero na partidonan politico. Lo tin proclamacion di medidanan nobo pe ayudo na paisnan menos desarolla. Gobierno kler un igualdad di rasa. Tambe gobierno lo lucha pa rebaha di tension entre oost y west. Meste evita mas expansion di arman nuclear. Nan lo considera te con lew e poder pa yuda paz di Nacionnan Uni lo por worde aumenta.

Preparacion pa buelta di Kennedy

BRUSELAS, 4 nov. - Merca a anuncia oficialmente, cu nan ta desea di tene nan mes ne esquema di tempu pe preparacionnan di e buelta Kennedy, cu meste llega pa un rebaho internacional di e derechonan di douane. E embahador Mericano cerca e comunidadnan Europeo na Bruselas, John Tuhtill, a pone e comision Mericano na altura, cu Merca ta dispuesto pa deposta fol 16 di november cual fecha a wordu aboli, e lista di productonan industrial, cual nan kler duna un rebaho di 50 por ciento di e derechonan, cerca e organisacion pa comercio y tarifa, na Ginebra.

DIA CUATRO MARY CROES TA SALI PA LONDEN

ORANJESTAD, 3 nov. - Majan mainta nuebor y mei srta. Mary Croes lo laga Aruba pa sali pa Londen via Curacao y New York Aya srta. Croes, como representante di Aruba lo tuma parti na e concurso di belleza pa e titulo di iniss World. Manera conocid srta. Croes durante di carnaval a participa den e concurso pa Miss Aruba, como miss Esso. Ganando e titulo di Aruba el a bira ganador pues di un biaha pa Londen pa participa na e concurso pa Miss World.



E piloto E. Alvarez ta prisionero di un matroos Noordvietnames. E potret cu a ser recibi for di Hanoi a worde muestra door di television Hapones. Alvarez a ser tumba cu su avion durante e atake Mericano riba e basenan Noordvietnames, algun tempo pasa den Golfo di Tonkin.

RIP KIRBY

pa cortesia di:

JAN BODEGOM & CO (ARUBA) N.V

Agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND



DICK TRACY

presenta pa cortesia di:

VICTORIA BOTTLING COMPANY

PEPSI-COLA---SEVEN UP---GRAPETTE-KIST--VICTORIA SODA WATER---
BUFFALO ROCK--GINGER ALE---



HOROSCOPO PERSONAL

ARIES-21 di maart-20 di april- Tene e fuente di bo actual poder nan na cuenta sea profesional o privado y cuminsa inmediatamente pa protehe esaki.

TAURO-21 di april-21 di mei- Esaki ta un dia cu ta presenta un leccion evidente pa Tauro cu tin un mete receptor. Siña for di experiencia cu otro personanan ta posee.

GEMINIS-22 di mei-21 di juni- Si realmente bo ta desea di alcanza bo obhetivo bo mester lanta for di mainta tempran y traha te laat.

CANCER-22 di juni-23 di juli- Esaki ta un dia den cual solamente bo mester emplea medio nan convencional pa obtene bo finnan.

LEO-24 di juli-23 di augustus- No insisti den bo propio condicionnan, studia e condicionnan di e otro persona y lo bo keda sorprende loke bo haña.

VIRGO-24 di augustus-23 di september- No hasi caso na e pronosticonan di aburrimiento cu ta hasi bo haña amigunan. Bo mester sa e actividad cu ta combino, No laga ningun hende ni nada influencia bo.

LIBRA-24 di september-23 di october- Deda algun minuut pa yuda bo compañero den su trabao. Demuestra bo deseo di cooperacion.

ESCORPION-24 di october-22 di november- Sea suave di modal y actividad y di e manera aki lo bo sobrevivir e tormentan di e dia aki.

SAGITARIO-23 di november-22 di december- Satisfice bo curiosidad te caminda esaki ta posibel, pero tene masha cuidao di no parse manera un curioso den bista di personanan cu stima bo hopi.

CAPRICORNIO-23 di december-20 di januari- Trata di no tuma e kehanan di bisñanan muchu na serio. Esakinan sencillamente ta tratando di cobra bo reaccion. Sigui amistoso cu nan.

ACUARIO-21 di januari-19 di februari- Ahorra bo pleitunan pa otro dia. Crisisnan lo sigi otro salvo cu bo tin masha cuidao cu bo palabranan.

PISCIS-20 di februari-20 di maart- Conserva bo equilibrio. Ya cu bo mihor criterio por chocha cu deseonan momentaneo, lo bo bai tin mester di un mente equilibrá.

NORTEAMERICANA ACUSA DI ASESINATO

MEXICO - UPI - E muher nor-teamericana Sharon Kinne, di Independence, Missouri, ayera a apela contra e disposicion di un tribunal qu a declara qu nan lo enucliele pa asesinato. Pa awe e tribunal a fha un audiencia riba e apelacion di Sharon Kinne. Señora Kinne ta ser acusá di mata Francisco Paredes Ortiz, un turista di Chicago, victima di un disparo fatal den e motel caminda e tabata alohá. Ademas e ta ser acusá di a tira riba y a herida un vigilanta di e establecimiento. E acusada ta ser detené den prison di muhernan di Mexico. Di acuerdo cu leyman mexicana e procedimiento preliminar a ser scrbi. Hues Zamora Reyes a declara qu pronto lo e fha fecha pa e acusada presenta su dilanti pa e tende su declaracionnan.